

**«ԱՐՑԱԽԻ ՀԱՆՐԱՊԵՏՈՒԹՅԱՆ ՄԻԶԱԶԳԱՅԻՆ
ՃԱՆԱԶՄԱՆ ՀԻՄՆԱԽՆԴԻՐՆԵՐՆ ՈՒ
ՀԵՌԱՆԿԱՐՆԵՐԸ»**

2-րդ միջազգային երիտասարդական գիտաժողով
14-17 սեպտեմբերի 2017թ.
Արցախ (ԼՂՀ), ք.Ստեփանակերտ
ՆՅՈՒԹԵՐԻ ԺՈՂՈՎԱԾՈՒ

СБОРНИК МАТЕРИАЛОВ

2-ая международная молодёжная конференция
**«ПРОБЛЕМЫ И ПЕРСПЕКТИВЫ
МЕЖДУНАРОДНОГО ПРИЗНАНИЯ
РЕСПУБЛИКИ АРЦАХ»**
14-17 сентября 2017г.
Арцах (НКР), г.Степанакерт

**“ISSUES AND PROSPECTS OF THE
ARTSAKH REPUBLIC’S
INTERNATIONAL RECOGNITION”**

2nd international youth conference
September 14-17, 2017
Stepanakert, Artsakh (NKR)

SOURCEBOOK

ԱԵԳՍՍ-ՕՄՍՏԱ-ՍՅՏՏԱ
ԵՐԵՎԱՆ-ԵՐԵՎԱՆ-YEREVAN
2017

ՀՏԴ 32.001:06
ԳՄԴ 66.0
Ա 948

Հրատարակության է երաշխավորվել Ստեփանակերտի
Մեսրոպ Մաշտոց Համալսարանի Գիտական խորհրդի որոշմամբ
*Рекомендовано к публикации решением Ученого совета
Университета Месроп Маштоц в Степанакерта*
*Recommended for publication by the decision of the Academic Council
of the Mesrop Mashrots University in Stepanakert*

Խմբագրական խորհուրդ

Նախագահ՝ ի.գ.դ., պրոֆ., ՀՀ ԳԱԱ ակադեմիկոս **Գագիկ Գագիյան**

Անդամներ՝ հ.գ.դ., պրոֆ. **Հրանտ Ավանեսյան**, պ.գ.դ., պրոֆ. **Վալերի Ավանեսյան**, ք.գ.դ., դոց. **Խաչիկ Գալստյան**, ի.գ.դ., պրոֆ. **Վլադիսլավ Գրուզդև**, ք.գ.դ., պրոֆ. **Սոկրատ Խանյան**, ի.գ.դ., պրոֆ. **Աշոտ Խաչատրյան**, ք.գ.դ., պրոֆ. **Մարիամ Մարգարյան**, տ.գ.դ., պրոֆ. **Հայկ Սարգսյան**, ք.գ.դ., պրոֆ. **Գարիկ Քեռյան**, պ.գ.թ., դոց. **Գրիգոր Բալասանյան**, պ.գ.թ., դոց. **Նելլի Բաղդասարյան**, տ.գ.թ., դոց. **Եվգենյա Հայրիյան**, ի.գ.թ., դոց. **Անահիտ Մանասյան**, հ.գ.թ., դոց. **Վիտյա Յարամիշյան**, տ.գ.թ., դոց. **Կարեն Ներսիսյան**, ի.գ.թ. **Սիրանուշ Պետիկյան**
Քարտուղար՝ ի.գ.թ. **Ավետիք Հարությունյան**

Редакционный совет

Председатель: д.ю.н., проф., академик НАН РА Гагик Казинян

Члены: д.п.н., проф. Грант Аванесян, д.и.н., проф. Валерий Аванесян, д.п.н., доцент Хачик Галстян, д.ю.н., проф. Владислав Груздев, д.ф.н., проф. Сократ Ханян, д.ю.н., проф. Ашот Хачатрян, д.п.н., проф. Мариам Маргарян, д.э.н., проф. Айк Саргсян, д.п.н., проф. Гарик Керян, к.и.н., доц. Григор Баласания, к.и.н., доц. Нелли Багдасарян, к.э.н., доц. Евгения Айриян, к.ю.н., доц. Анаит Манасян, к.п.н., доц. Витя Ярамишян, к.э.н., доц. Карен Персисян, к.ю.н. Сирануш Петикян

Секретарь: к.ю.н. Аветик Арутюнян

Editorial board

Editor-in-Chief: Gagik Ghazinyan, LL.D., Prof., NAS RA Academician

Editors: Hrant Avanesyan, Psy.D., Prof., Valeri Avanesyan, Doctor of History, Prof., Khachik Galstyan, Dr sc. pol., Assoc. Prof., Vladislav Gruzdev, LL.D., Prof., Sokrat Khanyan, Doctor of Philology, Prof., Ashot Khachatryan, LL.D., Prof., Mariam Margaryan, Dr sc. pol., Prof., Hayk Sargsyan, Dr sc. ec., Prof., Garik Keryan, Dr sc. pol., Prof., Grigor Balasanyan, Candidate of History, Assoc. Prof., Nelly Baghdasaryan, Candidate of History, Assoc. Prof., Yevgenya Hayriyan, Candidate sc. ec., Assoc. Prof., Anahit Manasyan Candidate of Law, Assoc. Prof., Vitya Yaramishyan, Candidate of Psy. sc., Assoc. Prof., Karen Nersisyan, Candidate sc. ec., Assoc. Prof., Siranush Petkiyan, Candidate of Law

Secretary: Avetik Harutyunyan, Candidate of Law

Ա 948 «Արցախի Հանրապետության միջազգային ճանաչման հիմնախնդիրներն ու հեռանկարները» 2-րդ միջազգային երիտասարդական գիտաժողովի կյուբերի ժողովածու. – Եր.: ԱԵԳՄՄ, 2017, 284 էջ:

Ժողովածուում ներառված են «Արցախի Հանրապետության միջազգային ճանաչման հիմնախնդիրներն ու հեռանկարները» 2-րդ միջազգային երիտասարդական գիտաժողովի կյուբերը:

В сборник включены материалы 2-ой международной молодежной конференции «Проблемы и перспективы международного признания Республики Арцах».

The material covered by the 2nd international youth conference “Issues and prospects of the Artsakh Republic’s international recognition” are included into the sourcebook.

ՀՏԴ 32.001:06
ԳՄԴ 66.0

ISBN 978-9939-1-0643-4

© Արցախի Երիտասարդ Գիտնականների և Մասնագետների Միավորում (ԱԵԳՄՄ), 2017

**ՔԱՂԱՔԱԿԱՆ ԱԶԳԻ ԻՆՔՆԻՇԵԱԿԱՆՈՒԹՅՈՒՆՆ ՈՒ ԻՆՔՆՈՐՇՈՒՄԸ.
ԵՐԿՐԻ ՖԻԶԻԿԱԿԱՆ, ՊԱՏՄԱԿԱՆ, ՔԱՂԱՔԱԿԱՆ ԵՎ
ՈԱԶՄԱԿԱՐԱԿԱՆ ՔԱՐՏԵԶՆԵՐԻ ԶՈՒԳԱՄԻՏՈՒՄՆ ՈՒ ԶԱՐԱՑՈՒՅՑԸ**

Գուրգեն Սիմոնյան

ՀՀ ԳԱՎ Փիլիսոփայության, Սոցիոլոգիայի և
Իրավունքի Ինստիտուտի գիտաշխատող, ք.գ.թ.
gurgensimonyan4@gmail.com

*«Նա, ով վերահսկում է անցյալը, վերահսկում է ապագան: Նա, ով
վերահսկում է ներկան, վերահսկում է անցյալը»¹:*

Ջորջ Օրուել

Հայաստանի ինքնիշխանության վերականգնման քսանվեցերորդ տարում էլ շարունակում է արդիական մնալ «Ո՞վ ենք մենք» և «Ու՞ր ենք գնում» հիմնարար հարցերը, որոնց պատասխանելուց հետո ազգը կկարողանա և՛ հաղթահարել տնտեսական ճգնաժամը, և՛ վերականգնել ազգային մրցունակության բարձր մակարդակը, և՛ շահադրդել երկրի քաղաքական ընտրանուն իրականացնել արդյունավետ ու իրավասու պետական կառավարում:

Սամուել Հանթինգտոնի կարծիքով՝ արտաքին վտանգի դեպքում ազգային նույնականացման **գագսումը** կարող է մեծանալ կամ փոքրանալ, փոխարենը այդ նույնականացման **եռությունը** ավելի քիչ է ենթակա տատանումների: Գիտնականը կարծում էր, որ ինքնանույնականացումը բխում է յուրաքանչյուր մարդու բնական պահանջից. «մարդիկ ունեն հարուստ, գրեթե անսահմանափակ ինքնանույնականացման աղբյուրներ: Դրանցից կարևորագույններն են՝

1. **Կարգավիճակային (ascriptive identity)** - տարիք, սեռ, արյունակցական կապ, էթնիկականություն և ռասսայական պատկանելություն:
2. **Մշակութային** – խմբային, ցեղային, լեզվական, ազգային, կրոնական, քաղաքակրթական պատկանելություն:
3. **Տարածքային** – մերձավոր շրջապատ, գյուղ, քաղաք, համայնք, նահանգ, շրջան, կլիմայական գոտի, մայրցամաք, կիսագունդ:
4. **Քաղաքական** – դաշնակցային և կուսակցական (լայն իմաստով՝ քվեարկելուց մինչև հասարակական շարժում) պատկանելություն, հավատարմություն առաջնորդին, շահային խմբեր, գաղափարախոսություն, **ազգային շահեր**:
5. **Տնտեսական** – աշխատանք, մասնագիտություն, պաշտոն, աշխատանքային միջավայր, գործատուներ, ոլորտներ, տնտեսական ճյուղեր, արհմիություններ, դասակարգեր, պետություններ:
6. **Սոցիալական** – ընկերներ, ակումբներ, թիմեր, գործընկերներ, ժամանցային շրջապատ, սոցիալական կարգավիճակ»²:

Ինքնության ճգնաժամը ի հայտ է գալիս, երբ ազգի անգիտակցականում արմատավորված, «Հայրենիք» գաղափարը ամբողջացնող միասնականության (սոցիալմշակութային և դավանաբանական նույնականացում) և աշխարհագրականության (միևնույն իրավաքաղաքական ու տնտեսական

¹ Orwell George. Nineteen eighty-four: 1984. London, Secker & Warburg, 1949, 219 p.

² Хантингтон С. Кто мы?: Вызовы американской национальной идентичности. М.: АСТ, 2008, 59 с.

տարածքում) արբետիպերը բախվում են ազգի գիտակցականում առկա բազմաշերտայնության (սփյուռք՝ տարածված և բազմաշերտ հայկականություն) և պարտադրված աշխարհագրականության (տարածաշրջանային և գլոբալ տերությունների սահմանային վերաձևումների պարտադրանք) ընկալմանը: Այս պարագայում հետադիմական հայացքները անարդյունավետ են, քանի որ հազարամյա պատմությունը կամա թե ակամա արդեն ուրվագծել է այն ներկան, որում ապրում ենք: Ուստի «Ո՞վ ենք մենք» հարցին պատասխանելուց բավարար չէ միայն ասել, թե **ո՞վ ենք եղել**, ավելի կարևոր է՝ հիմնվելով դրանից բխող բազմաբնույթ պատասխանների վրա, սահմանել թե **ո՞վ ենք ուզում լինել**: Միայն այդպես հնարավոր կլինի սահմանել ռազմավարական զարգացման պարտադրված **ազգային շահը**, որին միտված կլինի պետական քաղաքականությունը իր ողջ ներուժով:

Մարդկության քաղաքակրթության վաղնջական ժամանակներում, երբ մարդը՝ պայմանավորված իր ստեղծարար բնույթով, սովորեց խոսքի միջոցով հաղորդել իմաստ, տարբեր երևելի և աներևույթ հասկացություններ օժտվեցին բնութագրիչ սիմվոլներով: Այդ սիմվոլների ստանդարտացման և հանրահռչակման միջոցով, մարդիկ կարողացան արդյունավետ հաղորդակցվել և փոխանակել տեղեկատվություն: Խորհրդանիշերի, կերպարվեստի, բանասիրության, էպոսների, ճարտարապետության, ծեսերի, երաժշտության և մշակույթի այլ ճյուղերի միջոցով քաղաքակրթությունները կերտեցին աշխարհաճանաչողության վերացական (**abstractio**) մտածողություն:

Համաձայն Երիխ Ֆրոմի, գիտակցությունը՝ լինելով եռաչափ, ընդունակ է խորաթափանց ընկալել ամարկաների և երևույթների բովանդակ էությունը: Գիտակցությունը ընդգրկում է ոչ միայն գործնականում նշանակալից երևույթները, այլև մտախորհզունի բոլոր հնարավոր հեռանկարներն ու չափումները. «Իրերի էությունը հասկանալը չի նշանակում հայտնաբերել իրերից «հետո» կամ «վրա» գտնվող ինչ-որ բան, այլ հանկանալ դրանցում էականը, այսինքն ընդհանուր և համապարփակ, երևույթների համընդհանուր հատկությունները, անկախ դրանց մակերեսային և պատահական (**logical relevance**) դրսևորումներից»¹: Ուստի անհատի, ժողովուրդների և ազգերի ինքնաճանաչողության և ինքնաիրացման գործընթացի վրա ազդեցություն ունի ոչ միայն իրողությունների ռացիոնալ դրսևորումը, այլև դրանց բովանդակ էության թողած իռացիոնալ գուգորդություններն (**associatio**) ու ընկալումները: Ֆրոմի կարծիքով արդյունավետ մտածողության սուբյեկտը անտարբեր չէ իր մտածումների առարկայի հանդեպ, այլ ազդված է դրանով և գտնվում է դրա հետ որոշակի հարաբերություններում²:

Դա է պատճառը որ քաղաքական ազգերն ու ժողովուրդները՝ առաջնորդվելով իրենց ազգային շահերով և կառուցելով ուժեղ պետություն, մշտապես արդիականացնում, կերպափոխում և խմբագրում են ոչ միայն իրենց «պատմական» հիշողությունը, այլև «հայրենիքի» ընկալումները, որին համապատասխանեցվում են աշխարհագրական տարածքները իրենց տեղանուններով հանդերձ:

Դեռևս անտիկ աշխարհից մարդկությանը հայտնի են բազմաթիվ աշխարհագրական վայրեր, որոնք անվանակոչվել են՝ նույնականացվելով այդ տարածքների վրա կամ մերձակայքում բնակվող ազգերի, ժողովուրդների կամ դրանց վրա գերիշխանությունն տարածած պետությունների անվանումներով, օրինակ՝ Արաբական թերակղզի, Յնդկական օվկիանոս, Օմանի ծոց, Ճապոնական

¹ Фромм Э. Человек для самого себя. М.: АСТ МОСКВА, 2010, 122 с.

² Տե՛ս նույն տեղում, 122 էջ:

ծով, Հայկական բարձրավանդակ և այլն: Եթե վերոգրյալը հատուկ է հին քաղաքակրթություններին, ապա Նորերի պարագայում տեղի է ունեցել հակառակը. ժողովուրդներն ու պետություններն են փոխառել աշխարհագրական տեղանունները, օրինակ՝ Ինդոնեզիայի¹ Հանրապետություն, Կիպրոս², Սիրիա³, Բոսնիա⁴, ադրբեջանցի և այլն:

Կան տեղանուններ, որոնք անվանափոխվել են քաղաքական իրավիճակի փոփոխությանը համահունչ, օրինակ՝ Թուրքիա⁵, որը մինչև 1922 թվականը կոչվում էր Օսմանյան կայսրություն թուրքական սուլթան Օսմանի (1258-1326) անունով:

Որոշ աշխարհագրական տեղանուններ անվանափոխվում են՝ իրականությունը միտումնավոր խեղաթյուրելու, կամ քաղաքական նկատառումներով պատմական տեղանունները մոռացության մատնելու համար: Նենգափոխվածների շարքին կարելի է դասել պատմական Ատրպատականի և այժմյան Ադրբեջանի տեղակայման վայրերի անհամապատասխանությունը: Ատրպատականը գտնվել է Արաքսից հարավ, իսկ այժմյան Ադրբեջանի տարածքը համապատասխանում է պատմական Շիրվանին կամ Աղվանքին: Մոռացության մատնվածներից է Հայկական լեռնաշխարհը, որը՝ կրելով հայկականության իմաստը, բացի ՀՀ և Արցախի տարածքներից, տարածվում է նաև այժմյան Թուրքիայում, Իրանում, Վրաստանում և Ադրբեջանում:

Նկատի ունենալով վերոգրյալը՝ պետության տարածքներով նույնականացող քաղաքական ազգը, ոչ միայն պետք է պատրաստ լինի զարգացնել և պաշտպանել իր իրավաքաղաքական ազդեցության ներքո գտնվող աշխարհագրական տարածքները, այլև՝ նույնականացնելով դրանք պատմական տարածքների հետ, ստեղծել բավարար մշակութափոփոխական (հայրենիք, պատմական արդարություն, Մեծ Հայք) և իրավաքաղաքական համակարգ (Սահմանադրություն, պատմությանը նույնականացված վարչատարածքային բաժանման ձև, վարչատարածքային միավորների **հայկական** անվանումներ և այլն) ապագայում այդ տարածքների ազատագրման գործընթացը խթանելու համար:

Այս առումով ՀՀ Սահմանադրության «**հոդված 1**»⁶-ը, որտեղ նշված է «Հայաստանի Հանրապետություն» քաղաքական ինստիտուտի արժեքային չափորոշիչները՝ անուղղակի հղում կատարելով միջազգայնորեն ճանաչված տարածքներին, ունի խմբագրման կարիք: Սահմանադրությունները ամրագրում են ոչ միայն առկա սահմանադրականությունը բնութագրող նորմեր, այլև ապագային միտված «նորմ ցանկություններ»: ՌԻստի կարևոր է Սահմանադրության առաջին հոդվածում նշել աշխարհագրական տարածքը և այդ տարածքի վրա ինքնորոշված ազգի արարած պետականության ձևն ու քաղաքական, իրավական, տնտեսական մշակույթը, այլ ոչ թե քաղաքական ինստիտուտի: Աշխարհագրական տեղանվանը պետական կարգավիճակի հաստատումը հստակ երևում է Ֆրանսիայի⁷,

¹ Ավետիսյան Կ.Մ.: Աշխարհագրական անունների բացատրական բառարան: Երևան, «Լույս» իրատ., 1969, 146 էջ:

² Տե՛ս նույն տեղում, 184 էջ:

³ Տե՛ս նույն տեղում, 306 էջ:

⁴ Տե՛ս նույն տեղում, 84 էջ:

⁵ Ավետիսյան Կ.Մ.: Աշխարհագրական անունների բացատրական բառարան: Երևան, «Լույս» իրատ., 1969, 143 էջ:

⁶ ՀՀ Սահմանադրություն. «Հոդված 1. Հայաստանի Հանրապետությունը ինքնիշխան, ժողովրդավարական, սոցիալական, իրավական պետություն է»:

⁷ Ֆրանսիան անբաժանելի, աշխարհիկ, ժողովրդավարական և սոցիալական հանրա-

Անգլիայի¹, Ռուսաստանի², Իրանի³ և մի շարք այլ երկրների Սահմանադրություններում:

Հանրագումարելով փաստե՛ք, որ ՀՀ Սահմանադրության առաջին հոդվածը պետք է ունենա հետևյալ շարադրանքը. **«Հայաստանը ինքնիշխան, ժողովրդավարական, սոցիալական, իրավական հանրապետություն է»**: Այսպիսի ձևակերպմամբ պետության մոդել և հասարակական կարգ է սահմանվում այն աշխարհագրական տարածքին, որն ունի **«Հայաստան»** ֆիզիկական, պատմական, քաղաքական, մշակութային եվ ռազմավարական տեղանունը:

Գուրգեն Սիմոնյան

ՔԱՂԱՔԱԿԱՆ ԱԶԳԻ ԻՆՔՆԻՇԵԱՆԱՆՈՒԹՅՈՒՆՆ ՈՒ ԻՆՔՆՈՐՈՇՈՒՄԸ. ԵՐԿՐԻ ՖԻԶԻԿԱԿԱՆ, ՊՍՏՄԱԿԱՆ, ՔԱՂԱՔԱԿԱՆ ԵՎ ՈԱԶՄԱԿԱՐԱԿԱՆ ՔԱՐՏԵԶՆԵՐԻ ՀՈՒԳԱՄԻՏՈՒՄ ՈՒ ՀԱՐԱՑՈՒՅՑԸ

Բանալի բառեր՝ *Ազգ-պետություն, ազգային շահ, Սահմանադրություն, արդիականացում, աշխարհագրական տարածք, քաղաքական ազգ, անսույնականացում*

Արտաքին և ներքին մարտահրավերների որակական և քանակական կերպափոխումները ստիպում են քաղաքական ազգին արդիականացնել քաղաքական մշակույթն ու պետական կառավարման համակարգը՝ ստեղծելով ազգային շահերի ընկալման նորարար մոտեցումներ:

Հայաստանի ինքնիշխանության վերականգնման քանակցորդ տարում էլ շարունակում է արդիական մնալ ինքնանույնականացմանը և ռազմավարական հեռանկարներին վերաբերող հիմնարար հարցերը, որոնց պատասխանելուց հետո ազգը կկարողանա և՛ հաղթահարել տնտեսական ճգնաժամը, և՛ վերականգնել ազգային մրցունակության բարձր մակարդակը, և՛ շահագործել երկրի քաղաքական ընտրանուն իրականացնել արդյունավետ ու իրավասու պետական կառավարում:

պետություն է: http://www.concourt.am/armenian/legal_resources/world_constitutions/constit/france/france-r.htm:

¹ Որ Անգլիայի և Շոտլանդիայի երկու թագավորությունները հազար յոթհարյուր յոթ թվականի մայիսի առաջին օրը և դրանից հետո ընդմիջտ միավորվելու են մեկ թագավորության մեջ, որի անունն է Մեծ Բրիտանիա...http://www.concourt.am/armenian/legal_resources/world_constitutions/constit/uk/uk----r.htm:

² Ռուսաստանը ժողովրդավարական, ֆեդերատիվ, իրավական, պետություն է կառավարման հանրապետական ձևով: http://concourt.am/armenian/legal_resources/world_constitutions/constit/russia/russia-r.htm

³ Իրանի կառավարման ձևը Իսլամական Հանրապետությունն է, որին Իրանի ժողովուրդը՝ հիմնվելով Ղուրանի ճշմարտության և արդարադատության ինքնիշխանությանը իր վաղեմի հավատքի վրա, հավանություն է տվել 1979 թվի մարտի 29-ին և 30-ին հանրաքվեի ժամանակ, ընտրական իրավունք ունեցող մեծամասնության՝ ընտրողների 98,2 %-ի, դրական որոշման ընդունման ճանապարհով, որը տեղի ունեցավ Իմամ Հոմեյնիի գլխավորությամբ հաղթանակած իսլամական հեղափոխությունից հետո:http://concourt.am/armenian/legal_resources/world_constitutions/constit/iran/iran---e.htm

Гурген Симонян

**СУВЕРЕНИТЕТ И САМООПРЕДЕЛЕНИЕ ПОЛИТИЧЕСКОЙ НАЦИИ:
КОНВЕРГЕНЦИЯ И ПАРАДИГМА ФИЗИЧЕСКИХ, ИСТОРИЧЕСКИХ,
ПОЛИТИЧЕСКИХ И СТРАТЕГИЧЕСКИХ КАРТ СТРАНЫ**

Ключевые слова: *нация-государство, национальный интерес, Конституция, модернизация, географическая территория, политическая нация, идентичность*

Качественные и количественные трансформации внешних и внутренних вызовов, заставляют политическую нацию модернизировать политическую культуру и систему государственного управления, создавая инновационные подходы понимания национальных интересов.

После восстановления суверенитета Армении прошло двадцать шесть лет, но по прежнему актуальны вопросы идентичности и стратегической перспективы, ответив на которые нация сумеет и преодолеть экономический кризис, и реставрировать высокую степень конкурентоспособности нации, и мотивировать политическую элиту страны осуществлять плодотворное и компетентное управление государством.

Gurgen Simonyan

**SOVEREIGNTY AND SELF-DETERMINATION OF THE POLITICAL NATION:
CONVERGENCE AND PARADIGM OF PHYSICAL, HISTORICAL, POLITICAL
AND STRATEGIC MAPS OF THE COUNTRY**

Key words: *nation-state, national interests, Constitution, modernization, geographic therritory, political nation, identity*

Qualitative and quantitative transformations of external and internal challenges, make a political nation to modernize the political culture and system of governance, creating other approaches to understanding national interests.

After the restoration of the sovereignty of Armenia, twenty-six years passed, but the issues of identity and strategic perspectives are still relevant, responding to which the nation will be able to overcome the economic crisis, restore a high degree of competitiveness of the nation and to motivate the political elite of the country to implement fruitful and competent government of the state.